

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Agindua 130/2021 otsailaren 25koa. Arabako udalerrietako espazio publikoetan merkataritza indarberritzeko laguntzen deialdia onartzea

Merkataritza sektorea funtsezko sektorea da, enplegua sortzen duelako eta herri eta hirietako ekonomia eta gizarte jarduerak egituratzen dituelako.

Merkataritza garatzeko gako dira udalek merkataritza indarberritzeko egiten dituzten jardunak. Jardun horien barruan, espazio publikoak egokitzea eta hobetzea garrantzitsua da oso, espazio publikoek ahalbidetzen baitute hurbileko saltegiak sendotzea eta gure herri eta hirietako hirigunea leheneratzea.

Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Sailaren eginkizunetako bat da merkataritza sektorea bultzatu, sustatu eta garatzea, bai eta gure lurraldean lan egiten duten eragileekiko eta erakunde publiko zein pribatuekiko lankidetzaren sustatzea ere. Horien artean, lurraldeko hiriburu ez diren udalerrietara bideratu nahi dira jardunak, hain zuzen ere zailtasun handiagoa dutelako tokiko merkataritza sustatzeko politikak garatzeko.

Premisa horiek oinarri hartuta, eta erakunde arteko lankidetzaren eta lurralde oreka garatzearen mesedetan, Arabako Foru Aldundiak aurreikusi du abian jartzea Arabako udalerrietako espazio publikoetan merkataritza indarberritzeko laguntzen deialdia.

Ekimen horrek xede dute merkataritza sustatzea Arabako eskualde guztietan, hiriburu ez diren Arabako udalerrietan aberastasuna eta enplegua sortzeko neurritzat hartuta.

Arabako Foru Aldundiak, Diputatuen Kontseiluaren azaroaren 12ko 49/2019 Foru Dekretuaren bidez, Enplegu, onarpena eman zien Enplegu, Merkataritza eta Turismo Sustapenaren eta Foru Administrazioaren Saileko Merkataritza eta Turismo Sustapenaren Zuzendaritzaren eskumenen eremuan emango diren dirulaguntzak arautuko dituzten oinarri orokorrei.

Oinarri horiek onartzearen ondorioz, eta ahalik eta zabalkunderik handiena ematearren eta publizitatearen, lehiaren, objektibotasunaren, berdintasunaren eta diskriminaziorik ezaren printzipioak betetzeko, laguntzetarako deialdia ezarri behar da, merkataritza sustatzeko ekimen horiek berari lotu beharko baitaizkio.

Aginduzko txostenak aztertu dira,

Horregatik, dagozkidan ahalmenak erabiliz, honako hau

XEDATZEN DUT

Lehenengoa.- Onartzea 2021ean Arabako udalerrietako espazio publikoetan merkataritza indarberritzeko jarduerak egiteko laguntzen deialdi publikoa, zeinaren gehieneko hornidura 35.000,00 euro izango den. Deialdia ebazpen honi erantsi zaio.

Bigarrena.- Deialdia arautzen dute Enplegu, Merkataritza eta Turismo Sustapenaren eta Foru Administrazioaren Saileko Enplegu, Merkataritza eta Turismo Sustapenaren Zuzendaritzaren dirulaguntzak lehiaketa araubidean emateko oinarri orokorrek (Diputatuen Kontseiluaren azaroaren 12ko 49/2019 Foru Dekretua, 2019ko azaroaren 27 asteazkeneko ALHAOn argitaratua, 137. zenbakian), eta foru agindu honen eranskinean xedatutakoek.

Hirugarrena.- Ebazpen honen bidez arautzen diren dirulaguntzak Arabako Foru Aldundiaren 2021eko aurrekontuko 30.5.02.36.01.762.90.01 (xedapen erreferentzia: 105.339/000) gastu partidaren kontura ordainduko dira, eta zenbatekoa 35.000,00 euro izango da.

Deialdi honetan zehazten diren aurrekontuko partiden hasierako hornidura aurrekontu transferentzia egokien bitartez gehitu ahal izango da hasierako aurrekontuaren ehuneko100era arte, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

Laugarrena.- Ebazpen honek administrazio bidea agortzen du, eta honen aurka, herri administrazioen araubide juridikoari eta administrazio prozedura erkideari buruzko urriaren 1eko 39/2015 Legeak 123. artikuluan dioenarekin bat etorriz, aukerako berraztertzeo errekurtsioa aurkez dakioko Diputatu nagusiari, ekintza hau argitaratu eta hurrengo egunetik hilabete pasatu baino lehen, edo, bestela, zuzenean aurkaratu daiteke Gasteizko administrazioarekiko auzietarako epaitegietan, ekintza hau argitaratu eta hurrengo egunetik bi hilabete igaro baino lehen.

Bosgarrena.- Ebazpen hau ALHAOn argitaratuko da eta argitaratu eta hurrengo egunetik aurrera izango ditu ondorioak.

Vitoria-Gasteiz, 2021eko otsailaren 25a

Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren saileko foru diputatua
CRISTINA GONZÁLEZ CALVAR

Enplegu, Merkataritza eta Turismo Sustapenaren zuzendaria
JUAN FELIPE GARCÍA MIRAVALLES

ERANSKINA

ARABAKO UDALERRIETAKO ESPAZIO PUBLIKOETAN MERKATARITZA INDARBERRITZEKO LAGUNTZEN 2021EKO DEIALDIA

1. artikulua. Xedea

Deialdi honen xedea da laguntza ematea Arabako udalerrietako espazio publikoetan bertako merkataritza egitura indartzen lagunduko duten merkataritza indarberritzeko proiektuak egin daitezen.

2. artikulua. Aurrekontu partida eta gehieneko zenbateko osoa

2.1. Deialdi honen bidez arautzen diren dirulaguntzak Arabako Foru Aldundiaren 2021eko aurrekontuko 30.5.02.36.01.762.90.01 (xedapen erreferentzia: 105.339/000) gastu partidaren kontura ordainduko dira, eta zenbatekoa 35.000,00 euro izango da.

2.2. Deialdi honetan zehazten diren aurrekontuko partiden hasierako hornidura aurrekontu transferentzia egokien bitartez gehitu ahal izango da hasierako aurrekontuaren ehuneko100era arte, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

3. artikulua. Erakunde onuradunak

3.1. Honako hauek izan daitezke erakunde onuradunak, eta eskuratu ditzakete laguntza lerro honetan jasotzen diren onurak:

– Arabako Lurralde Historikoko 3.000 biztanle baino gehiagoko udalak, lurraldeko hiriburua izan ezik.

– Arabako Lurralde Historikoko 3.000 biztanle baino gutxiagoko udalak, merkataritza indarberritzeko gaitasuna duten herrigune historikoak dituztenak.

Deialdi honen ondorioetarako, honako hauek izango dira merkataritza indarberritzeko gaitasuna duten herrigune historikoak dituzten 3.000 biztanletik beherako udalerriak: Dulantzi, Artziniega, Elciego, Bastida eta Guardia.

3.2. Ezin izango dira onuradun izan beren onartze prozesuan edo funtzionamenduan sexuagatik bereizketa egiten duten erakundeak, Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, 24.2. artikuluan xedatutakoarekin bat etorritik.

Era berean, ezin izango dira lehiatu, dagokien zigorrak ezarritako denboran, sexuagatik bereizketa egiteagatik zigor administratibo edo penala jaso duten erakundeak, ez eta Emakumeen eta gizonen berdintasunerako Legearen ondorioz debeku horrekin zigortutakoak ere, azaroaren 11ko 1/1997 Legegintzako Dekretuak, Euskadiko Ogasuna antolatzen duten printzipioen Legearen testu bateratua onartzen duenak, 50.5. artikuluan jasotzen duen bezalaxe (Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, azken xedapenetatik seigarrenean emandako idazketaren arabera).

4. artikulua. Diruz lagundu daitezkeen gastuak

4.1. Diruz lagundu ahalko dira proiektuak abian jartzeko inolako zalantzarik gabe lagungarriak diren gastuak, beharrezkoak direnak eta ezarritako epean egiten direnak, hala nola:

a) Merkataritza sektorea indartzeko edo suspertzeko azterlan edo planak, halakorik ez daukaten udalerrietarako, edo 5 urte baino gehiagokoak eguneratzeko, eta, betiere, azken 5 urtean antzeko azterlan edo planik diruz lagundu ez bada.

b) Hirigintzan eta merkataritzan egin beharreko inbertsioak aztertzeke, haien diagnostikoa egiteko eta zehazteko azterlanak.

c) Hirigintza eta merkataritzako inbertsioak, helburu dutenak hiri ekipamendua edo altzariak zabaltzea eta berritzea, merkataritza espazioak hobetzeko eta/edo egokitzeko.

Inbertsioak honako hauetarako egin ahalko dira:

– eserlekuak,

– paperontziak,

– jardinerak eta loreontziak,

– taketak, sarbideen kontrolak eta eskudelak,

– iturriak,

– seinaleak (informazio publikoa, hiriko kaleen planoak, ibilbideak, termometroak, publizitate taulak).

4.2. Baimenduta dago diruz lagundu daitezkeen aurrekontuaren ehuneko 100eraino azpikontratutzea, 11/2016 Foru Arauak, Arabako Lurralde Historikoen dirulaguntzenak, 27. artikuluan xedatutako baldintzak betez).

4.3. Eskatzaile batek mota desberdinetako inbertsioak aurkezten baditu, eskaera bat aurkeztuko du inbertsio mota bakoitzeko (gehienez 3 eskaera eskatzaile bakoitzeko).

5. artikulua. Aplikazio eremua eta jarduerak gauzatzeko epea

Deialdi honen onuradun diren entitateek 2021eko urtarrilaren 1etik 2021eko azaroaren 15a arteko aldi egin beharko dituzte lanak eta/edo inbertsioak.

6. artikulua. Dirulaguntzen zenbatekoak eta mugak

6.1. Oro har, diruz lagundu daitezkeen aurrekontuei aplikatu beharreko dirulaguntza ehunekoak hauek izango dira:

– Udalerrian merkataritza indarberritzeko edo suspertzeko azterlan edo planetarako: azterlanaren edo planaren kostuaren ehuneko 90. Dirulaguntza, gehienez ere: 12.000,00 euro.

– Merkataritza arloko azterlan-diagnostikoetarako eta inbertsioak zehazteko: azterlanaren kostuaren ehuneko 90. Dirulaguntza, gehienez ere: 2.000,00 euro.

– Hirigintza eta merkataritzako inbertsioetarako: inbertsioen kostuaren ehuneko 70. Dirulaguntza, gehienez ere: 15.000,00 euro.

Entitate onuradun bakoitzak urtean eskuratu ahal izango duen gehieneko dirulaguntza, guztira, 30.000 euro da.

Eskaera bat diruz lagundu ahal izateko, guztira esleitu ahal izango den dirulaguntzaren zenbateko gutxieneko bat ezartzen da, 1.500,00 euro, hain zuzen.

7. artikulua. Dirulaguntzen bateragarritasuna

7.1. Oinarri orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamabigarren oinarrian ezartzen duena aplikatuko da. Gainera, jarduerak jaso ditzaketen gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira erabaki honetako laguntzekin, baldin eta, bai osotara bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

7.2. Dirulaguntza eskaera aurkeztu eta gero beste laguntzaren bat lortzen bada, ahalik eta lasterren horren berri eman beharko zaio, idatziz, Enplegu, Merkataritza eta Turismo Sustapenaren Zuzendaritzari, zeinak eskatutako laguntza murriztea edo ukatzea proposa dezakeen.

7.3. Dirulaguntza eskatzen duen erakundeak aurretik beste bat jaso edo eskatu baldin badu helburu bererako, hala adierazi beharko du eskaeran. Kasu horretan, dirulaguntza esleitzeko ebazpenak eragina izango badu, erakunde onuradunak uko egin beharko die aurretik eskuratutako dirulaguntzei; halaber, jasotako funts publikoak itzuli beharko ditu, hala badagokio.

7.4. Laguntzen deialdi honek bete egingo ditu Europako Batzordearen unean uneko erregelamendu indardunetan ezarritako "minimis" arauak. Ondorio horietarako, Europako Batzordearen abenduaren 18ko 1407/2013 (EB) Erregelamenduak, Europar Batasunaren Funtzionamenduari buruzko Tratatuaren 107. eta 108. artikuluek minimis laguntzei aplikatzeari buruzkoak, 3.2 artikuluan adierazten du estatu kide batek enpresa bakar bati emandako minimis laguntzen guztizko zenbatekoa ez dela izango 200.000 euro baino handiagoa hiru ekitaldi fiskaleko edozein alditan.

7.5. Dirulaguntza eta dagozkion berandutze interesak itzultzeko eskatu beharko da, baldin eta Arabako Foru Aldundiak jakiten badu erakunde onuradun batek beste dirulaguntza bat edo batzuk jaso dituela, emandakoarekin bateraezinek direnak, eta ez diela uko egin behar den bezala.

8. artikulua. Prozedura bideratzeko organo eskudunak

8.1. Prozedura Enplegu, Merkataritza eta Turismo Sustapenaren Zerbitzuak bideratuko du.

8.2. Balorazio Batzordea honela eratuta egongo da:

– Batzordeburua: Enplegu, Merkataritza eta Turismo Sustapenaren zuzendaria edo berak eskuordetzen duen pertsona.

– Batzordekidea: Enplegu, Merkataritza eta Turismo Sustapenaren Zerbitzuko burua edo berak eskuordetzen duen pertsona.

– Idazkaria: Enplegu, Merkataritza eta Turismo Sustapenaren Zerbitzuko teknikari bat.

9. artikulua. Eskaerak aurkezteko epea eta modua

9.1. Eskaerak aurkezteko epea deialdi hau ALHAOn argitaratu eta hurrengo egunetik aurrera hasiko da eta 2021eko apirilaren 15ean, 14:00etan bukatuko.

9.2. Eskaerak elektronikoki aurkeztuko dira Arabako Foru Aldundiaren egoitza elektronikoa eskuragarri dagoen erregistro elektronikoa.

AFaren egoitza elektronikoa zerbitzuak erabiltzeko, nahitaezkoa da modu telematikoan identifikatzea, ziurtagiri elektronikoa baten edo BAKQ sistemaren bidez: <https://web.araba.eus/eu/egoitza-elektronikoa/ezagutu-egoitza/nola-sartu>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikoa: <https://web.araba.eus/eu/egoitza-elektronikoa/baimenak>.

9.3. Erakunde eskatzaileek egoitza elektronikoa zehaztutako eskaera inprimakia bete beharko dute eta honako agiri hauek erantsi:

– Dirulaguntzaren xede izango diren jardunen azalpenaren memoria, eta jardun horiek egiteko arrazoiak; eta jardun bakoitzaren aurrekontu banakatua.

– Lana egingo duen enpresaren eskaintza.

– Ondasuna eman aurretik eskatutako hiru eskaintza, baldin lanek kontratu txikietarako ezarritako mugak gainditzen badituzte (40.000,00 euro obretarako eta 15.000,00 euro gainerako-rako); eta zein eskaintza aukeratu den eta hautaketa horretarako arrazoiak azaltzen dituen agiria.

– Behar izanez gero, dirulaguntzaren xede diren jarduerak edo inbertsioak egitea ekarriko duen merkataritza suspertzeko planaren kopia.

9.4. Erakunde eskatzaileak baliozkotasuna emango die Enplegu, Merkataritza eta Turismo Sustapenaren Zuzendaritzako laguntza eskabide ereduaren identifikatutako harremanetarako pertsonaren helbide elektronikora bidalitako komunikazio guztiei.

9.5 Dirulaguntza eskabidea aurkezteak baimena ematen dio organo kudeatzaileari Ogasunarekiko eta Gizarte Segurantzarekiko egoeraren ziurtagiriak lortzeko.

10. artikulua. Proiektuak hautatzeko eta baloratzeko irizpideak

10.1. Azterlan edo hirigintza-merkataritza inbertsio mota bakoitza bereiz baloratuko da artikuluan honetan zehazten diren irizpideak oinarri.

Araudi honen ondorioetarako, hirigintza-merkataritza inbertsio mota gisa ulertuko dira ezaugarri teknika komunak dauzkatena. Enplegu, Merkataritza eta Turismo Sustapenaren Zerbitzuak egokitzapen lanak egin ahalko ditu, entitate bakoitzak aurkeztutako eskaerak banatuz edo multzokatuz, horrela aurretik ezarritakora hobeto moldatzen dela ulertuz gero.

10.2. Erakunde bakoitzak 3 azterlan/inbertsio eska ditzake gehienez.

10.3. Aurkeztutako jarduerak, oro har, ondoren adierazten diren irizpide eta puntuazioen arabera baloratuko dira:

a) Aurkeztutako memorien definizio eta kalitate maila (30 puntu, gehienez).

DEFINIZIO ETA KALITATE MAILA	PUNTUAK
Zehaztasun eta definizio maila handiko memoriak	21 eta 30 puntu bitartean
Zehaztasun eta definizio maila erdiko memoriak	11 eta 20 puntu bitartean.
Zehaztasun eta definizio maila txikiko memoriak	0 eta 10 puntu bitartean

b) Dirulaguntzara aurkeztutako jardun mota (40 puntu).

INBERTSIO MOTA	PUNTUAK
Azterlana soilik eskatu du	40 puntu
Azterlana eta hortik eratorriko diren inbertsioak eskatu ditu	30 puntu
Inbertsioak soilik eskatu ditu, eta inbertsio horiek bat datoz aurrez egindako MSPB edo merkataritza indarberritzeko plan batekin	20 puntu
Inbertsioak soilik eskatu ditu, eta ez du MSPBrik edo merkataritza indarberritzeko planik, edo inbertsioak ez datoz bat plan horietan ezarritakoarekin.	10 puntu

c) Udalerriko biztanle kopurua (30 puntu).

BIZTANLE KOPURUA	PUNTUAK
5.000 biztanletik gorako udalerriak	30 puntu
3.000 eta 5.000 biztanle arteko udalerriak	20 puntu
3.000 biztanletik beherako udalerriak	10 puntu

10.4. Erakunde onuradunak zehazteko, amaieran hautatzeko eta bakoitzari emango zaion munta zehazteko, Diputatuen Kontseiluaren azaroaren 12ko 49/2019 Foru Dekretuaren 6. artikuluan xedatutakoari men egingo zaio.

10.5. Eskabidean sartutako partida bat, Enplegu, Merkataritza eta Turismoa Sustapenaren Sailaren ustez, ez bada behar bezain lagungarri udalerriko merkataritza indartzeko, partida hori kanpoan utzi ahal izango da esleitu beharreko dirulaguntza kalkulatzeko orduan. Halaber, entitate onuradunak dirulaguntza gisa esleitu daitekeen gehieneko zenbateko osoa ahitzen badu (6. artikuluan dago ezarrita), Enplegu, Merkataritza eta Turismo Sustapenaren Zerbitzuaren ahala izango da determinatzea zein kontzeptu diren diruz laguntzekoak.

11. artikulua. Ebazteko eta jakinarazteko epea

11.1. Organo eskudunak, Balorazio Batzordearen proposamenez, dagozkion ebazpenak emango ditu. Ebazteko epea Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoaren arabera arautuko da. Ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoen Prozedura Erkideari buruzko urriaren 1eko 39/2015 Legearen 41. eta 42. artikuluetan xedatutakoa aintzat hartuz.

11.2. Jakinarazitako ebazpen horrek bide administratiboa agortzen du, baina aukerako berraztertze errekurtsoa jar daiteke Diputatu nagusiari erabakia jakinarazi ondorengo egunen hasi eta hilabete igaro baino lehen, azaroaren 26ko 39/2015 Legearen, administrazio prozedura erkidearenaren, 123. artikulua xedatzen duenaren arabera. Bestela, zuzenean aurkaratu daiteke Gasteizko administrazio auzietarako epaitegietan, erabakia jakinarazi ondorengo egunean hasi eta bi hilabete igaro baino lehen.

12. artikulua. Erakunde onuradunen betebeharrak

12.1. Laguntza lerro honen kontura finantzatzen diren jardueretan, Arabako Foru Aldundiaren babesa agerrarazi beharko da leku nabarmenean.

12.2. Dirulaguntzaren xedearekin zerikusia duten komunikazio, publizitate eta zabalkunde ekintza guztiak, ekitaldi publiko nahiz pribatuak, aurkezpen, amaiera ekitaldi eta antzekoak alde aurretik Arabako Foru Aldundiarekin adostu beharko dira, bere irudi korporatiboaren inguruan berak ezartzen dituen jarraibideei jarraituko zaie, eta bi hizkuntza ofizialak erabiliko dira, herri-tarrek hizkuntza aukeratzeko duten eskubidea modu eraginkorrean bermatuz.

13. artikulua. Dirulaguntzen justifikazioa eta ordainketa

13.1. Dirulaguntzen likidazioa kasuan kasuko administrazio ebazpenean adierazten den bezala egingo da, bertan zehazten diren betekizun eta baldintza guztiak bete ondoren.

13.2. Dirulaguntzak bide elektronikotik justifikatuko dira, Arabako Foru Aldundiaren egoitza elektronikoaren bitartez erabil daitekeen erregistro elektronikoan.

Dirulaguntzaren justifikazio gisa elektronikoki aurkeztutako dokumentuek bat etorri beharko dute jatorrizkoekin, zeina interesdunaren esku egongo baita, eta Enplegu, Merkataritza eta Turismo Sustapenaren Zerbitzuaren eskura egon beharko dute hala eskatzen zaionean.

Administrazio Publikoen Administrazio Prozedura Erkidearen urriaren 1eko 39/2015 Legearen 28.7 artikuluan xedatutakoaren arabera, erakunde onuraduna da aurkeztutako dokumentazioa egiazkoa izatearen erantzule.

13.3. Arabako Foru Aldundiak dirulaguntza ordaintzeko, erakunde onuradunak dokumentazio hau aurkeztu beharko du 2021eko azaroaren 15eko 14:00ak baino lehen:

– Egindako jardunen/inbertsioen memoria. Obrak eginez gero, diruz lagundutako inbertsioen argazkiak ere aurkeztu behar dira.

– Justifikazio fakturen zerrenda; honako hauek adierazi behar dira: hartzekoduna, zenbatekoa, jaulkipen data eta ordainketa data, egoki bada.

– Justifikazio fakturen jatorrizkoak edo fotokopia konpultsatuak.

– Aurkeztutako fakturak ordaindu izanaren ziurtagiriak (kontabilitateko P agiriak edo banku transferentziak edo laburpenak, ordainketa edo transferentzia egin duen bankuaren zigiluarekin).

– Hauei buruzko informazioa jasotzen duen erantzukizunpeko adierazpena:

a) Aurkeztutako datuak egiazkoak direla eta aurkeztutako kopiak jatorrizko dokumentuekin bat datozela.

b) Dirulaguntza honetaz gain, hemen diruz lagundutako kontzeptuetarako beste diru sarrera edo dirulaguntza batzuk lortu diren. Baiezkoa bada, diru sarrera horien justifikazioa aurkeztuko da.

Ez dira dirulaguntza ordaintzeko aurkeztutako justifikazio fakturatzat hartuko eskabideari erantsi zaizkionak. Kasu horretan, onuradunak berriro aurkeztu beharko ditu faktura horiek, aurrez zehaztutako gainerako dokumentazioarekin batera.

Faktura elektronikoak aurkeztuz gero, Factura-e motako estandarren arabera izan beharko da haien formatua. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektronikoki kualifikatuaren eskaintzaileen konfiantzazko zerrendan jasotako ziurtagiriak <http://sede.minetur.gob.es/Prestadores>.

Kontratu txiki gisa ezarritako zenbatekoak (40.000,00 euro obretan edo 15.000,00 euro gainerako kontratuetan) baino gehiago edo haien besteko gasturik izanez gero, hautatutako eskaintza ez bada ekonomiaren aldetik onuragarriena, hautaketa horren justifikazioarekin batera, hiru eskaintza aurkeztu beharko dira, eta justifikazio txostena ere bai, hautatutako eskaintza ez bada ekonomiaren aldetik onuragarriena, non eta ez den aurkeztu eskaera egiterakoan, gerora gastu erreala kontratu txiki gisa ezarritakoaren beste edo hori baino gehiago izanik.

Nolanahi ere, Enplegu, Merkataritza eta Turismo Sustapenaren Zerbitzuak aukera izango du beste dokumentu batzuk ere eskatzeko, egoki baderitza memorian aipatzen dena egiaztatzeko.

13.4. Ordainketak dagokion frogagiria aurkeztu beharra badakar eta pertsona fisikoen gaineko zergaren konturako atxikipena (PFEZ) egitea badagokio, dirulaguntza esleitu zaion erakundeak frogatu egin beharko du ordaindu dituela PEFZaren konturako atxikipenen zenbatekoak.

Horretarako, PFEZaren konturako atxikipenak egin diren urteko 110. ereduaren kopia bana aurkeztu beharko du, eta haiekin batera dagokion ordainagiria, bai eta 190 ereduaren kopia ere, behar bezala zigitaturik, egindako atxikipenak ordaindu direla egiaztatzearen. Edo bestela, baimena emango du Enplegu, Merkataritza eta Turismo Sustapenaren Zerbitzuak egin ditzan dagokion egiaztapenak.

Atxikipenak Arabakoaz besteko zerga administrazio bati aurkeztu behar bazaizkio, dirulaguntza esleitu zaion erakundeak aurkeztu beharko ditu PFEZaren atxikipenak egin diren urteko 110 ereduaren kopia bana, dagozkien ordainagiriekin batera, bai eta urteko 190 ereduaren kopiak ere, behar bezala zigilatuturik, egindako atxikipenak ordaindu direla egiaztatzearen.

110 ereduak ordainketaren banku zigilua eraman beharko du, edo dagokion banku ordainagiriarekin batera aurkeztu beharko da.

13.5. Baldin onuradunak fakturaren baten ordainketa justifikatzeko badu, dirulaguntza ordaindu ahal izango da, justifikatu beharreko aurrerakin moduan. Hala egiten denean, eskatzaileak emateke dituen egiaztagiria 2022ko apirilaren 6a baino lehen aurkeztu beharko ditu.

13.6. Baldin eta 6 atalean ezarritako dirulaguntza mugaren bat aplikatu bada, Enplegu, Merkataritza eta Turismo Sustapenaren Zerbitzuak txostena egin ondoren, diruz lagundu daitezkeen gastuen murrizketak onartu ahal izango dira, esleitutako dirulaguntzak aldatu gabe. orretarako, dirulaguntzaren xedea bete behar da eta murrizketa horiek justifikatu behar diren eta diruz lagundu daitezkeen gastuen gutxieneko zenbatekoa bete behar dute. Honela aterako da gutxieneko hori: emandako dirulaguntzaren gehienezko zenbatekoa zati aplikatutako dirulaguntza ehunekoa.

13.7. Ez da onartuko dirutan ordaintzea eragiketaren zenbatekoa, baldin eta 2021eko ekitaldirako indarreko araudian finkatzen den zenbatekoa bada edo handiagoa edo haren kontrabaloa atzerriko monetan.

Aurreko paragrafoan aipatzen den zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

13.8. Baldintza horiek bete ezean, ordaindutako dirulaguntza itzultzeko erreklamazioa egingo da.

14. artikulua. Interpretazioa eta garapena

Enplegu, Merkataritza eta Turismo Sustapenaren eta Foru Administrazioaren Saileko foru diputatuari ahalmena ematen zaio foru ebazpen hau zuzen garatzeko, aplikatzeko eta interpretatzeko beharrezko den xedapen oro onar dezan.

15. artikulua. Eskerak egokitzea

Jarduera jakin batzuetarako dirulaguntza eskatzen bada eta jarduera horiei ezin bazaie eman erabaki honetan arautzen diren dirulaguntzak, erabaki honetan ezarritako baldintzaren bat betetzen ez dutelako, diruz lagundu nahi den kontzeptuak diruz lagundu ezin direlako edo, Enplegu, Merkataritza eta Turismo Sustapenaren Zerbitzuaren iritziz proiektu horiek Enplegu, Merkataritza eta Turismo Sustapenaren Zuzendaritzak aurten kudeatutako beste laguntza lerro batzuei hobeto egokitzen zaizkielako, eta laguntza horiek esleitu ahal bazaizkie, aukeran izango da ofizioz dagokien laguntza lerrora aldatzea .

16. artikulua. Emandako laguntza onartzea

Laguntza ematearen jakinarazpena jaso eta 15 eguneko epean erakunde onuradunak hari berriaz uko egiten ez badio emateko ebazpenean ezarritako baldintzetan onartu dela ulertuko da.

17. artikulua. Araubide juridikoa

Erabaki honetan ezarritako prozedura Diputatuen Kontseiluaren azaroaren 12ko 49/2019 Foru Dekretuaren bidez onartutako oinarri arautzaile orokorretan ezarritakoaren mendean dago, bai eta honako hauek dirulaguntzei buruz xedatzen dutenaren mendean ere: urriaren 19ko 11/2016 Foru Araua, Arabako Lurralde Historikoko dirulaguntza eta transferentzia; azaroaren 17ko 38/2003 Lege Orokorra, dirulaguntzena, eta uztailaren 21eko 887/2006 Errege Dekretua, azaroaren 17ko 38/2003 Lege Orokorraren, dirulaguntzenaren, araudia onartzen duena, baita dirulaguntzei buruzko geroko xedapen guztiak ere.